

عبد الحميد طير البر

# كلمونى تانى عنك

رباعيات

الطبعة الاولى في سبتمبر ٢٠١٩



( أشعار )

كلمونى تانى عنك

## بطاقة الكتاب

عنوان المؤلف	كلموني تانى عنك
المؤلف	عبد الحميد طير البر
التصنيف	أشعار
رقم الإيداع القانوني	١٦٩٦١ - ٢٠١٩
الترقيم الدولي	٩٧٨-٩٧٧-٦٧٢٦-٧٠-٣
عدد الصفحات	١١٠ صفحة
رقم الإصدار الداخلي	٤٨٥ الطبعة الأولى اغسطس ٢٠١٩
المقاس	٢٠X١٤
تصميم الغلاف	مؤسسة النيل والفرات

جميع حقوق الطبع والنشر محفوظة للمؤلف، ولا يحق لأى دار  
نشر طبع ونشر وتوزيع الكتاب الا بموافقة كتابية وموثقة من  
المؤلف



# مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

**ناجى عبد المنعم**



رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 572-01-35

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

النييل والفرات [nagyegy200064@gmail.com](mailto:nagyegy200064@gmail.com)

[alnilwaalfourat](https://www.facebook.com/alnilwaalfourat) [alnilwaalfourat@gmail.com](https://www.facebook.com/alnilwaalfourat)

المقر الرئيسي: ج.م.ع. محافظة الشرقية - العاشر من رمضان - مجاورة 13 - أمام سنتر الـ 13 - عقار 304



( أشعار )

كلمونى تانى عنك

## الإهداء

أهدي ديواني وما به من أحاسيس جياشه ونبضات قلب ولهفة  
روح وخفقان مهجة القلب والود والمحبة لكل أبنائي وأحفادي  
وزوجتي شريكة حياتي  
وكل من ساهم بالسماع أو بالرأي أو تعاطف وجدانيا مع إحدى  
قصائى فله منى محبتي  
والله الموفق

عبد الحميد طير البر



# مقدمة

## (إيضاح) أو ملخص

هذا الديوان مجموعات من الرباعيات بالعامية كل مجموعة منها اتفقت على عنوان يدل عليها محققا وحدتها في نفس الوقت كل منها لها معنى تام وحافظت كل رباعيه على قواعد الرباعية فنجد المربع الكامل والمربع الأعرج والموال البغدادي

و ذكرنا في الديوان خلجات النفس البشرية في المواقف المتباينة فجد الغزل العفيف والشوق للحبيب والأرق والسعد من الهجر وتجد الروح الوطنية في رباعيات للشهيد ولمصر الغالية حماها الله على مر العصور وكذلك لم نغفل النواحي الدينية فكان له نصيب عظيم في فكرنا وأرواحنا وعقيدتنا وكل ذلك بعامية دواوين الحكومة إن جاز التعبير وذلك بعد الرجوع إلى ما يسمى (الدوبيت ) وأصله فارسي وهو مكون من كلمتين دو ومعناها ٢ بالفارسية وبيت وهي عربيته وهو نمط شعري مستحدث أخرجنا من قوالب الخليل بن احمد في الوزن وكذلك الرباعيات التي ظهرت في القرن الثاني الهجري مثل بشار بن برد ١٦٥هـ ، حماد أجرد ٢٦١هـ ، منظومة ابن دريد ٣٢٤هـ التي سماها ( المربعة ) وهي قصيدة طويلة وحدتها أربعة أبيات ومجموعها ١١٦ شطرها



وبداخل الديوان مجموعة من الرباعيات المستقلة وكذلك بعض الدوبييت  
الثلاثي وبعض السداسيات مرورا بفن الواو المنطوق مثل المكتوب مع  
الاحتفاظ بجوهر فن الواو  
اجتهدنا كي تنطلق قصيدة الرباعيات قدر استطاعتنا والله الموفق .



# كلموني جيراني

كلموني جيراني عنك  
بعد ما حرموني منك  
نقل كلام جاب خصام  
كنت صدق اللي منك

أنا قلبي وروحي فيك  
و أسأل عينيا لما تناديك  
طيفك بالحب مر جاني  
حضنته لما قلقت عليك

عيوني غريقة بحر عينيك  
دوبها حنينها وشوقها إليك  
العمر كله أخاف عليك  
أسأل كفي بحضن أيديك



العشق بكياني بجد يسري  
من رأسي لقدمي لخصري  
وزاي راح تبقى خصمي  
وقلبك في العشق قصري

بعد الفراق نتقابل تاني  
أنفاسك تشتاق لأحضاني  
ولا نسمع للواشي كلام  
الحزن في قربك ينساني





# رباعيات حروف الهجاء

رباعيات حروف الهجاء  
من أول الألف لحد الياء  
يمكن تلاقي فيها البكاء  
وبعض تعاليم السماء

(أ)

أبن آدم نسي نفسه وأتكبر  
أعلن الفطر بجح ما أستر  
الصيام رحمة من الرحمن  
أكيد يا عاصي بكره تتحسر



(ب)

باب الفتوح مفتوح بالتقوى  
بركة من الله الجنة لنا مأوى  
بسرعة أستقيم يعزك المولى  
بدعائك ينزل المن والسلوى

(ت)

تاب الولد بعد ضلال سنين  
توبة نصوحة ملك فدادين  
تزيد الخيرات في البساتين  
تكثر لله ساعد المساكين

(ث)

ثريا متعلقة بقلبك تشع النور  
ثابت على الحق ومش بتجور  
ثوابك شجرة ورقها سرور  
ثمرها طاب كفاتنات الحور



(ج)

جميل الروح بالصلاة والصوم  
جبل حسنات لو تعين مظلوم  
جود على كل فقير محروم  
جنة تدخلها ورحيق مختوم

(ح)

حامد و شاكر نعمة الرحمن  
حامل الخير رحيم إنسان  
حنون على الوالدين بإحسان  
حماك الرب من شر النيران

(خ)

خطوة الشيطان أبعد عنها  
خد أداء الصلاة بأوانها  
خلّ مع الله تستقيم أحوالها  
خاف من الله تفوز بجمالها



(د)

دنیا غروره والزمان غلاب  
داوم بعمل الخير ولا تهاب  
دامت قبلنا لحد يا أحباب ؟  
دوام الحال محال يا شباب

(ذ)

ذهب وفضة بالغش وفرتها  
ذراع الحق بالعدل ما قومتها  
ذهب العقل والفتنه أسستها  
ذنوب عملتها النار جزاء لها

(ر)

راعى ضميرك في عملك تفوز  
ربك يستر مرة أو مرات يجوز  
رأس الحكمة العدل لازم يفوز  
رماك عملك بالسجن محجوز



(ز)

زيارة يا رب أنولها مع الأيام  
زيارة النبي والبيت الحرام  
زمزم تغسل القلوب بمـرام  
زود عليها أتمم أركان الإسلام

(س)

سان جورج يضحك في وشك  
ساب المبادئ ناوي على عشك  
سامر أصيل يحفظ مقام عشك  
سليم القلب بالعطر ح يرشك

(ش)

شوقي للحبيب خذني في دوامة  
شارد بفكري و روعي ندمانه  
شلت ذنوب والنفس لـوامة  
شفاعة محمد لنا فيها السلامة

(ص)

صابر اكتبني يا رب م الصابرين  
صبري على فعل وسوسة شياطين  
صدوا عن الحق و انحنى ظهري  
صدق الرسول حقي بيوم الدين

(ض)

ضماير الناس ليه فيها أذمة  
ضعف الإيمان والعدل فيه هزة  
ضامر على منكر نفسه في اللذة  
ضرب ضعيف مات هو من غمزه

(ط)

طه مع جبريل يحفظ القرآن  
طهر القلوب والهدى عنوان  
طهارة باليد والقلب واللسان  
طاب العليل بالهدى والتبيان

(ظ)

ظهر بمكة شعاع النور  
ظهور الفيل العام المشهور  
ظن أبرهة ح يهدم المعمور  
ظهرت له أباييل الطيور

(ع)

عيب نقول العيب في الزمان  
عيينا نظلم النفس طبع وكان  
عمال يجور على جاره فلان  
عجبي عليه ظالم وجبان

(غ)

غافر الذنوب خالق الوجود  
غالب ومانح من غير حدود  
غمر قلبي راحة في السجود  
غاييتي رضاه هو الخلود

(ف)

فتاوى غريبة بتطلع يا زمان  
فاهم أنه علامة وكتب بيان  
فيه السجائر لا تبطل الصيام  
فطرة الله فينا حارس وأمان

(ق)

قمت أصلى بجوف الليالي  
قمرى المنور حبيبي الغالي  
قال: اتبع كتاب الله وأفعالي  
قاهر الكفر عطرتة عنواني

(ك)

كتاب الله فيه النور رباني  
كرم من الله من الشر نجاني  
كلام حق أوعى تكون جاني  
كامل وفيه أعجاز بالمعاني





(ل)

لبيت الله مشتاق للرحيل  
لا اله إلا الله تشد الحيل  
للعبدة أسجد هناك وأطيل  
له الملك بذكره طاب العليل

(م)

من يغفر الذنوب للعاصي  
متين خد العاصي بالنواصي  
مانح النعيم خالق المراسي  
مالك الأكوان لله إخلاصي

(ن)

نفس لوامة بالسوء خطاءة  
نهلة في اللذات بجرأة  
ناسية حساب الله ولقائه  
نجعل القرآن سند بالقراءة

(هـ)

هدى الله فرق حرام و حلال  
هدانا ربنا بعد طول الضلال  
هات حسنات اعمل منها تلال  
هرول واجمعها زاي الغلال

(و)

وليد لمكارم الأخلاق متمم  
واثق الخطى للهدى مصمم  
وأد البنات حرام شرح وعمم  
وكلنا في حب محمد متيم

(ي)

يا ابن آدم بالحسنات اغتنم  
يتقل رصيدك ويزول الهم  
يبقي كتابك بالتقوى علم  
يا غافل تعبد بالليل ولا تنم



## بساط الريح

بحبك يا جميل الروح  
تتَبَسَّمُ وعيني تتوَّح  
عشان العند ودلاك  
دا أيامى كدا ح تروح

ما أيامي بلون ليلى  
سنين والفرح ناسينى  
طول مانت بعيد عنى  
ما يجى ضى في عيني

عشان مالي غنى عنك  
وعشت حياتي من أجلك  
ياما صبرت ع هجرك  
خلص الصبر في صدك

ما انا نورت قناديلك  
ونفسي يوم ما اناديلك  
تجيني ببساط الريح  
وفي حضني أغنيك



# طعم الهوى

الهوى وأحنا سوى  
صعب أوصفه بكلام  
أسألوا نبض إيدى  
بين إديه فى سلام

دقاتي تدق بقلبه  
دمه يجرى بالشریان  
و لحن واحد لغنوه  
قولناها هزت الوجدان

حب الغصن للزهور  
حب داخل الكيان  
حب الليل للنور  
نور منور الأركان

حب نادر فى الوجود  
حب كان ملوش حدود  
الحب ألفه وانسجام  
خلينا نهدم السدود  
حلمت حلم قال تمام  
جانى امبارح بالمنام  
حلم عشناه من زمان  
يا لا نكتب له الدوام

## الميزان

هات الحروف اكتب عنوان  
قصيده كبيره متين فدان  
ازرع فيها فل وريحان  
وشتلة عنب مع الرمان

أرجوك وابعد عن الأدمان  
كان فيه طالب راح امتحان  
وقاعد تايه وكان سرحان  
أهمل دروسه في توهان

وكم ان فلاح الليل سهران  
راح الغيط وبقى كسلان  
يا عيني الزرع كان دبلان  
والقمح منه كمان زعلان

موظف شايه فى فنجـان  
قدامه الجمهور واقف تعبان  
ولا سائل فيهم الجـبان  
فاتح بقه و يتاوب عمـيان  
صاحب الكاروو معه حصان  
الشفقة فين ضرب الحيوان  
وكمـان بقال داخل دكـان  
عمال يسرق في الميزان

رفع الأسعار ع الغلبان  
ومدرس بقى كول شئ كان  
لا بيشرح ودماعه روقان  
تعالى الدرس آدي العنوان

صاحب المعاش قاعد حيران  
يجبها يمين وشويه شمال  
دا هيكفى فول ولا بدنجان  
نفسي يا ناس أكون انسان



أعيش حياتي كذا في أمان  
كل اللي ياكل قوت غلبان  
يوم القيامة الحق يبان  
ألحق قبل ما يفوت الأوان

وقبل ما يتنصب الميزان  
واللي ها يوزن هو الرحمن  
اللي عامل الخير في الريان  
من عمل الشر مع الشيطان

# قطار الأمل

نجمه وعاشقه القمر  
مالك إنت كدا سارح  
للحزن فى عينيك ممر  
ورمشك عليها جارح

شايפה بتعد النجوم  
أنت كنت كدا إمبراح  
تايه فى دنيا الغرام  
أنا هنا من بعيد لامح

ببحر العيون وغريق  
حبك بجد حقيقى جامح  
إنت مشيت فى طريق  
وجهك مليح بقى كالح

والدرس ليه ما اكتمل  
كان نفسى تكون فالج  
وتكون لجيلك مثل  
مفكر وللعلوم شارح  
برشام و بودره تشم  
وبطريق الندم سابح  
وفرصه بالأراده هم  
فيه عندنا علاج ناجح

إنسى الماضي وبالعمل  
ترجع تانى ولد صالح  
هم إركب قطار الأمل  
قاوم بكل قوتك كافح

أدع ربك كريم مانح  
وامشى بقى فى الصالح  
اجتهد وأنت ألـرابع  
ومن بكره عوّض امبارح

# عاشق ومعشوق

وأنا العاشق وأنا  
المعشوق آه يانى  
وأنا الخائق هنا  
ومخنوق بأوهامى

وكل حرف اتكتب  
يا ناس له معانى  
أنا عاشق لمحبوب  
على طول بينسانى

أنا معشوق من الهم  
رفيق وفى لأيامي  
وخائق أنا طموحي  
وكل بكره وأحلامى

مخنوق من الدنيا  
على طول معداني  
نفسى بأفكار أرتبها  
أنهى بيها أشجاني  
يا بكره تعالى مره  
معاك نور لامالي  
أصيل لكن الفرحة  
من زمان نسياني

رجائي من بكره  
شعاع أمل تانى  
وفات ستين بكره  
وأنا لسه بأعاني

لا بكره ولا ماضى  
أيام تعدى قدامى  
وعداد زمن شغال  
عد كتير يازمانى

الشيب بدأ براسي  
وأنا لسه بمكاني  
تاريخ بلا ذكرى  
ليه بكره ما جاني

و قلت أسجل كلام  
باقي لو خلصت أيامي  
السيرة ممكن تدوم  
والعمر أهوه فاني

## أم الشهيد

يا أم الشهيد علشان نعيش  
لازم مننا حد يـمـوت  
يا صبره بس ما تزعلـيش  
وشه بيضحك في التابوت

أوعى تقولى مات فطيس  
دا وعد من رب الملكوت  
ح يجيب حقك م الخسيس  
دمه غالى ومش ح تفوت

كان سهران على الحدود  
وإحنا نايمين في البيوت  
لأجل مصر بالروح وجود  
بقلوبنا يفضل نغمة وصوت

مات يا امي أغلى الناس  
كان راجل ورافع الرأس  
ما الإرهاب حفنة أنجاس  
جهل لا ضمير ولا إحساس



## الهمه يامصرى

يا مصرى انتبه قوم  
مصر يا روجي قامت  
وبعد الكسل والنوم  
فاقت يا ناس وبانت

قالوا ثلاث سنوات  
قال عهد الكسل فات  
بالمشيئه سنه واحده  
بالعزيمة نمسح العقبات

مضى عهد على نفسه  
نفذ الوعد والرغبات  
رؤيا وكانت سليمه  
وقليل عندهم قدرات

أفتح ياريس القتال  
وملأ السماء طلقات  
تحية من القلب لعمال  
مصريين ومش خوجات

إبنى يا إيدى شغاله  
مصانع وجنبها عمارات  
وتقل نسبة البطاله  
ونعيش فى تبات ونبات

ننهض بعزيمه وثبات  
وسيبك من اللى فات  
بالعلم أفتح بطون  
الأرض وطلع الثروات

مصر عليها البركات  
اللى يدور كلها خيرات  
لكل من شارك تحية  
ملايين من القبلات

## الغالية أمي

أمي الحبيبة أنت أجمل دنيتي  
أنت روعي وحياتي ومهجتي  
تسع شهور الألم بين الضلوع  
وأنت صابرة بتجهز لي لفتى

لما أتولت دمع الفرح خبيتي  
وياما سهرت تهنئي وداديتي  
رسولنا قال أمك ثلاث مرات  
ما انت اللى رضعتي وربيتي

يا أمي الجنّة من تحت رجلك  
أعصر روعي محبه وأسقيك  
وفي الشيب بروحي أراعيك  
يا نهر حنان نفسي أرضيك

أنا عمري كله أوهبه لـيـك  
في الطفولة لما اتعب أبـيـك  
كبرت لو صبني هم الأقبـيـك  
حـضـن حنون يا رب خـلـيـك  
دعواتك السعد يا رب يحميك  
ويجعل الفرح ما يفارق لياليك  
وباب السماء دائما مفتوح ليـك  
بروحي وقلبي وعمري أفديـك

## آه يا زماني

آه يا زمان وليه تعيشني وحداني  
أقرب الناس فاتوني ونسيوا عنواني  
حتى اللي مني وجزء من وجداني  
الدنيا وخداهم وتركوني أعاني

يا صبر المر شربته ما صبرني  
ولعت روجي شمعته ما عبرني  
نورت الطريق وانا نار بتحرقني  
دا صدقوا الغريب ما حد صدقني

وقف الخسيس على حطام أحلامي  
والحزن عشب جوايا نار بكانني  
اخويا اللي مني لا سأل ولا جاني  
دبحوا المجنى عليه وأكلوه للجاني

# الحب الأول

قلبي سفينة والشوق شراعي  
وقلبك مرسى شافي أوجاعي  
طال السفر وضافت أحوالي  
حنيت لحضن الحبيب الغالي

قالوا كذاب أنت عشقت كثير  
بأمانة البنت أم شعر حرير  
شفنا الفرح من عينيك ح يطير  
وصوتك بقي تغريد عصافير

صدقوني دروب قلبها جارة  
واللي ضاع من عمري خسارة  
لا حنان ولا أخـلاص ولا  
حُضن حنون دافئ فيه حرارة

الحب الأول صدقوني والأخير  
خلاني على عرش قلبه أمير  
ومن قبله قلبي عايش كسير  
عاشق سجين وبقلبه أسير

# اللطافه فى النظافه

إنت يا فيرس بجد جبان  
ولو شجاع اظهر وبان  
بالدوى بتنزوى جربان  
أو مرهم من البطرمان

تيجي فى خضار او رنجة  
هتجيب أمك السرنجه  
ولو جيت فى عرق نسا  
هاكوى جسمك بالسنجه

قذر وبتيجى بالقذورات  
محضرك ثلاث صبونات  
إنت من النظافه هتموت  
وغسيل الخضار والتوت





يا ست يا بتاع الطعميه  
غيرى الزيت كل شويه  
نقضى عليه بايدك وايديه  
وناخده كدا مقلب حرميه  
يا عم يا بتاع الساندوتش  
خدها نصيحه وف الوش  
الدبان او عاك يخش  
غير كدا يبقى انت ب تغش

يا جزار غطى اللحمه  
يبقى من الفيرس رحمه  
ما تقولش عليا زحمه  
الفيرس بيحب ذبحه

ياست البيت يا شاطره  
إدى لأولادك الفكره  
قبل الأكل وعلى فكره  
غسل الكفين فيه بركه

## يحميك يا ولدى

أنت يا جندي جوه سينا غالى علينا  
نظف طهر من الأرهاب أراضينا  
قلوبنا معاك وبندعي لك بالتوفيق  
والرب معاك ياللى بروحك بتفدينا

الأرهابي خسيس وجبان واللى معاه  
عدو وفاسد قلبه حاقد ناوى يندينا  
بين جهله و خسة غدره واللى غواه  
مجرم زيه أقضى عليه حقق أمانينا

قتل أبنى واحنا بنبنى بيت الفرخ  
زينة فرحه صوان موته زاد الجرح  
جاهل ومش فاهم دينه تعبنا شرح  
أمحيه بعزيمه وهمه وجيب الفرخ

الأرهابى جوه الأرض هتك العرض  
شرب من نيلها واتمتع بخير الأرض  
خان العشره وخان الجيره ندل جبان  
قاتل أبنى قتله يا ناس علينا فرض

# زمن الفن

زمن الفن أم كلثوم وعبد الحليم حافظ  
عشت بأصول الزوق و للعهود حافظ  
والمال عمرى ما عملت له محافظ  
الكل حبونى وانا لاسؤل ولا محافظ

كان فيه أدب وأ شعأر شوقى وحافظ  
فين أيام يدرسُوا ابن سينا والجاحظ  
شايف هبوط واضح وأنا ملاحظ  
دقه قديمه اللي على الأخلاق محافظ



## صمت الشفافيف

العين تحكي من غير كلام  
واحترنا مين يبدأ سلام  
وهو صامت وقلبي ساكت  
وروحنا هايمه فى الغرام

غايب عنى والبعد طال  
فى البعد قول إيه الحال  
العند أخذك بعيد عنى  
ربى خلقتنى طويل البال

ياجميل وظالم فى الجمال  
خف شويه و كفايه دلال  
عينك منى وعينى عليك  
مهرة أصيله وأنا الخيال

تَعَبْتُ وَعِنْدِي لَيْكَ سَوَال  
هَوَايَا جُوءَاكَ وَلَا زَال؟  
صَمْتُ الشَّفَايِفِ قَالِ كَلَام  
وَعْنِيكَ قَالَتْ إِنَّكَ مَيَال

رَمَشُكَ قَالِ أَنْسَاكَ دَا مُحَال  
رَمَشِي قَالِ فِيكَ كَام مَوَال  
مَسْتَنِي بِسَمِهِ مِنْ شَفَايِفِكَ  
تَلَاقِيَنِي جِيْلَكَ كَدَا فِي الْحَال

لَوْ رَمَشُكَ لَشَفَايِفِكَ مَرْسَال  
وَاللِّي جُوءَا الْقَلْبَ لَهُ يَتَقَال  
كُنْتُ أَدْبَحُ الْهَجْرَ بِأَعْتَابِكَ  
أَنَا قَلْبِي وَكُلِّي إِلَيْكَ مَيَال

أَنْتِ الْعَيْنُ وَأَنَا النَّنْسِي  
وَهَوَاكَ مِنْ بَدْرِي مَجْنِي  
ضَمْنِي بَقِيْ بِحُضْنِ هَوَاكَ  
مِنْ زَمَانِ هَوَاكَ يَنَاسِبُنِي

## خاف من الشيك

شلت الهم و جوايَّ غم  
وكل كلامي فيه أفراح  
و ذنبك إيه انت يا عم  
إن حبيبي فاتنى وراح

أصل الدنيا صعب شويه  
ولا بشكى ولا نـواح  
مش بهرب من مسئولييه  
بس حبيبي مش مرتاح

يعنى يوم سريسه وجبنه  
مش لازم كل يوم تفاح  
يعنى شوية عدس بجبه  
اللحم لجيبي ليس مباح

أنا مالى ومال جنابه  
راكب تخت دابر سواح  
يعنى أمد ايدى لسؤاله  
ما بيحس عايش مرتاح  
شايف الدنيا بعينيه هوه  
ما كل شئ قدامه متاح  
لا بيوقف طبور بطبونه  
ولو تعب ميتين جراح

النهار ده أحسن من بكره  
بس عرفته شحيح وشاح  
يمكن بكره ما فيه ستره  
لأن حياتي عايشها سفاح

مش مقصر ولا متأثر  
لكن مش لاقى المفتاح  
كل يومين تقفل أكثر  
أنا عمري خلاص رواح





قصة وحده كانت جارتى  
سمعت كلام آه يا مررتى  
وحيده بغابه فيها ذئاب  
بتقول : مستنيه الشرطى

أبوهم غاب عن سماواتى  
و كان لازم أستبر بنا تى  
أهل جوزها يقولوا هاتى  
أنا أكتب شيكات وبهاتى  
والمعاش محرومه منه  
طالع أقساط والذى منه  
ولا الشئون تيجى تغتنى  
السجن كنا فى غنى عنه

عزيزه ولسه كدا عفيفه  
والدين كتفنى التكتيفه  
مضيت للندل على بياض  
راح إشتكأنى ابن الجيفه

قولوا لى يعنى أعمل آيه  
أزل نفسى أبوس رجليه  
زى الكلب مسك عظمه  
راحت قيمة الألف جنيهه

هو المعاش اسم الله عليه  
التعويم كتفلله إيديه  
بعد الأكل هيفضل آيه  
عالم يارب بحالى وبنيه



## مصر حُضن حنون

مهما رحنا وغبنا عنك  
تفضلى الحُضن الحنون  
حتى لو زادت قساوتك  
بأعشقك برضه بجنون

أنت أُمي وأنا منك  
أنى أسيبك دي ظنون  
والظنون بعيده عنك  
الحقيقه بيكى مفتون

جسمي حُفنه من ترايك  
بمية نيلك ده معجون  
روحي معاك، وهيه فداك  
إنت يا نينُ جوا جفون

يا ما شفت دول ويمكن  
أغنى منك قد يكون  
لكن أنتِ حُضن دافي  
بقلبي غنوه ع القانون  
جنب ترعه أرمى بذره  
القمح سبل للعيون  
شدى حيلك تانى يامه  
أزرعى غيطان الزيتون

عمرنا ما ها نرجع تانى  
لعصر الحطبه والكانون  
غصن ومال في بلادي  
إرهابي مخرب مجنون

بايع روحه للأعادي  
يفجر والروح تهون  
والسارق لقمح ولدى  
الغلبان باكي العيون

خدي حقك يا أمي منهم  
وارفعي راية القانون  
بالعدل يكون حسابهم  
الكل ح يبقى ممنون

نقول: تاني روحنا فيك  
مهما يحصل أو يكون  
إنت وطننا ملناش غيرك  
بالله أحلى وطن بالكون

تتميز بأنها تقرأ من أسفل لأعلى ومن أعلى لأسفل

---

## أنا المحافظ

مصرى وكل الناس تعرفنى  
تاريخى بين الامم يشرفنى  
جه التاريخ بسجله ونصفنى  
ما هز عدو رمشى ولا جفنى

مصرى وبلون الليل عيونى  
ورمل إخضر بتين برشومى  
ارتوت من مية النيل بطونى  
مِصرَ و بجد الننى لجفونى

مصر مذكوره ف قرآنى  
رب ما نسى حد بيرعانى  
بلد الخير وأحلى اوطانى  
نبينا وصَّ عمر ووصانى

حبيبتي ليه تخلفي وعودي  
يا ليالي الحظ تعالى عودي  
شهم وشجاع مستقيم عودي  
أنا المحافظ على عهدى

## حيروني

لموني في قربي منك  
شغلوا بالي وحيروني  
لو في يوم بعدت عنك  
أروح فين من عيوني

اللي شوقها حضن قلبك  
وعينيك لما يرا عوني  
الدنيا تحلى وأنا جنبك  
لحظة ما تبعد سهروني

عيوني ساكنه جوا رمشك  
تبص لغيري ح يقولوا لي  
أنا نبضي جواك وسمعك  
همسه لغيري يفتنوا لي

عرفت ليه أنا قلبي ملكك  
هواك مخلص لمكنوني  
من يومها وروحي عندك  
وعمرك ما خلفت ظنوني

# كان يا ما كان

ما جاش على بالك يوم ترحمني  
ولا في الخيال بحنان تمسح ظني  
و في نظرة عينيك الشك يقتلني  
سبني لهمي وروح ليه تعذبني

هويتك بكلي بروحي و وجداني  
وقلت أكيد بالسعادة اللي بكاني  
ما سمعت لكلامهم غاوي تسالي  
تغدر وتهجر ما جاش على بالي

عيوني عرفت النوم تحت ظلك  
كنت اسأل قلبك وهو ح يدلك  
نبض قلبي روحي فيك بتقولك  
سمعت لكلام الحقود زاد غلك



ليه خلّيت أجمل أيام العمر نكد  
لحد ما تخيلت نبض قلبي سكت  
ونهر حبي جف كل موجه ركد  
عيوني من شوقها للماضي بكت  
الحزن جوا قلبي لقلوعه فرد  
والحبيب عن الحق عينيه عمت  
القلب قال شكواه للقمر وسرد  
سمعت النجمة على قلبي حنت

الناس قالوا لي أنت كمان حيران  
عايش ع الهامش ودنيتك أحزان  
عذابك أن طعم الحنان حرمان  
نفسك في رشفه من حناني زمان

الشهد مني كان أنهار للحنان  
وعلى صدري أنا كان الأمان  
ولقيت فيه الهنا ونعيم ألوان  
ما في رجوع كان يا ما كان

# نار ولعه

فتحت باب الهوى  
والخالي كان قلبي  
سهمه رشق بالقلب  
ركن وسكن كبدي

أنا اللي زاد سهدي  
يا نار بقى هـدي  
كنت بخاف م الحب  
أصل عذابه أبدي

عشق العذاب قلبي  
أنا اللي زاد عندي  
ووجع القلب عندي  
نار ولعه ما تهدي

حبيبي بالقمر عالي  
بساط الخيال ما جاني  
كنت أركبه و أروح  
وأقعد مع الغالي

# العلم

العلم ضرورة نحوي التي اخترع  
نجهد في دروسنا و نبطل دلع  
دخلت تاريخ أجدادي جاني صرع  
اللي بالطب والفلك وفلسفه برع

لو مفيش دكتور موجود بالمجتمع  
و جسمي وجعني مين يشيل الوجع  
الفلاح لو يكسل ييجي منين الشبع  
أصل الفلاح الشاطر زرع وجمع

أهتم بكل خطوة وأحسن السمع  
بالعلم نتقدم مش وشوشة ودع  
أكبر أبقى مهندس تفيد المجتمع  
اللي أجهد في علمه نجمه لمع



حجبوا العلم عني والفهم امتنع  
مكاني بالحضارة أصبح ما يتبلع  
فين علم أجدادنا غرقنا في البدع  
لو حافظنا عليه دلوقت كان نفع

جدي في الحساب طرح و جمع  
جدي بن سينا في زمانه برع  
في الطب الأعراض دونها وجمع  
وابتكر علاج جرب عملي ونفع

## الورد غار

جمالكَ حلى فســـــــــتاتك  
وغار الورد من عودك  
قمر الليل صبح مخسوف  
ما نوره تاه في خدودك

طال على عيني غيابك  
تعالى ووفى بوعــــــــودك  
عاهدت الليل أصون وداك  
وأروى الورد فى خدودك

يطول ليلى وأنا سهران  
وتر رنان ما بين عودك  
يا نغمه أصيله فى الالحن  
تدفى الروح بوجــــــــودك

عيون تبكى دموع تجرى  
بسر سرودی وشرودك  
دى حتى النجمه بالعالى  
تقول: نفسى أكون لـونك  
أنا التايه بين الرمشين  
خدينى احمينى بجـفونك  
يا عايشه جوا بالـرنتين  
هعيش راهب على حدودك

## العتاب

أنت فاكِر إني نسيَتك  
هواك ساكن هنا بدمي  
قلبي من زمان بيَتك  
حلم أنك تكون جنبي

قدري يا ناسي هويتك  
قلبك ليه ما يرحمني  
أحاساس صادق أديتك  
قلبك ليه غاب عني

و بعرش قلبي وليتك  
أمير روعي ليه تسبني  
في جوف الليل ناجيتك  
و طبعك غريب جنني

زرعت المحبة بغيطك  
وأنت بشكك ظالمني  
ظلمت نفسي و راضيتك  
ليك حق عندي عاتبني



## الطربوش

فین أيام لبس الطربوش  
حتى الوابور له طربوش  
والعايب تلاقيه مكشوف  
تعالی معايا لف وشوف

البنـت لابسه ع المكشوف  
ماشى وراها ولد مهروش  
وهيه كمان ما تعرفهوش  
إتحـرش ولا حد يحوش

حتى الأدب بقى فنكـوش  
بقينا فى إيام حلق حوش  
راح اتجوز ماشى منقوش  
ست أد أمه ما تلومـهوش

أبوه فقير والولد مكروش  
شغل ما فى وناس بكروش  
ياللى قاعد فوق الحوش  
وزع بالعدل فى القروش

## مكتوب

نعمل الخير في الدنيا  
ربك يغفر لنا الذنوب  
نخاصم النفس وهواها  
و عن المعاصي نتوب

بقلوب شفافة زاي الندى  
ربك حنون رب قلوب  
خلق الكون بجماله لنا  
ليه بلذة معاصي ندوب

العاصي في الآخر جنا  
ذنوب يا علام الغيوب  
تاه في اللهو عن المنى  
جمع كتير من العيوب

جمع مال من غير رضا  
والكفن من غير جيوب  
بطريق ندم ساب الهدي  
وكله في الكتاب مكتوب



## شاهد لياليها

حكاية غرام بإخلاص أحكيها  
واللي محليها الروح وما فيها  
حبي لكل الناس مالي معانيها  
وكلمه حاكيها روعي تعنيها

روح شفافة والحق ما فيها  
دوام السعادة أملها وأمانها  
رزق معلوم ربك مرضيها  
أرمني الهم على اللي ناشيها

النفس أماره أحذر أغانيها  
ولا تطيع دنياها وترضيها  
تزين المنوع ترغبك فيها  
تقع بالمحذور النار تشويها

أشكم النفس وسد حواريتها  
التي تجيب الفتنة و تغويها  
بعمل الخير زيد و أرويتها  
بجنة الفرات منه ح تسقيها

روحك برضا وقناعة قويها  
وأبعد عن الغش تفوز فيها  
رمضان حضر فرصة نديها  
و صوم اللسان يقوي ناديها

صوم اليدين بالتقوى يحميها  
صوم العيون كمان يزكيها  
صوم البطن وحده ما يكفيها  
كل الجوارح صوم أمان ليها

يوم القيامة الصوم يناديها  
وحقه يشفع شاهد لياليها  
صوم النهار بلغها مساعيها  
روح مطمئنة الرب راعيها

بالتقوى أبني حلاوة مبانيتها  
على الفطرة سوية سويها  
تسعى للخير ما تغل أياديها  
و الصلاة في وقتها أديها

القرآن حصن للروح آويها  
أقرأ ما تيسر نول مراسيها  
أنهار الجنة سبحان مجريها  
وفواكه تأتي لي يشير ليها

ملكت روح الذكر يشفيها  
مدح النبي لروحي يحييها  
ألف صلاة للشفيع ليها  
رب رُوحِي من النار نجّيها





# رمضان

رمضان شهر الإحسان  
نعيش في رحاب الإيمان  
نهارنا خير ليالينا نور  
نفحات هديه من الرحمن

سعادة وبركه يا رمضان  
و يا رب نختم القرآن  
روحي تعيش نعيم وسرور  
البركة من خالق الأكوان

قويني يا رب على الشيطان  
الغاوي العاصي في النيران  
هو الوحيد رفض السجود  
يوم القيامة بالنار في هوان

أيام نفحات فيها الحنان  
صوم وصلّى تدخل جنان  
تنول رحيق مختوم وأمان  
أنهار غسل أنهار ألبان

العدل في الإسلام أهو بان  
ممنوع تجور على تعبان  
نعمل بتعاليم القرآن  
نزل لنا رحمة يا إنسان

فيه ليلة بألف شهر كمان  
عن خيرها أسأل الترجمان  
شمس دافيه نورها بان  
القلب مشتاق وفي حرمان

## العرافة وأنا

توشوش الودع لأجل تلاغيه  
اللي يقوله مش ح اعترف بيه  
قالت لي حالك وشك يدل عليه  
وجع العشق تهرب منه تلاقيه

الخصام اللي بينكم بجد غرام  
لأنه غيره ع المحبوب وهيام  
وحُبّه جوا مهجة القلب دام  
لما مخاصم ليه بعت سلام

ما هي روعي واللي جواها  
هي أنفاسي عندها و حسبها  
عزفت ألحاني كلها وعرفاها  
صدقوا هي دنيتي وأنا دنياها

قدامك زهور والدنيا رسماها  
وتميل عليك أنت ما تهواها  
زهرة القلب أنا كمان عرفاها  
عينيك تقول ما عشقت سواها

## عاشق وبس

عاشق مرسوم بقلبي حواريكى  
وعاشق نسمة هواك وانا ليكى  
إبنك اتربى هنا وهيموت فيكى  
يا ام نيل عذب يروى أراضيكِ

أنا وهبت روحى شهيد لترايك  
أحمى حماك زى كل أعراضك  
مش هاسيب اللى ف يوم عابك  
حسابه عسير يا شايله احمالك

حبيبتي فى يوم تعبت إيه مالك  
صابره ع حد بيهدم فى أحلامك  
عاش من خيرك ويقتل أولادك  
هنقضى عليه وعد من أجيالك

عاشق رمل وخُضِرْ، بدو وحضر  
واقف أسود على الحدود جمر  
كل معتدى أولادك هيسقوه المر  
و أى ارهابى إخنقيه والله الأمر  
امتى شمس الخير تقضى ع الشر  
أرض حضاره كم نبى من هنا مر  
وسيدنا ابراهيم أتجوز مننا هاجر  
ابنه اسماعيل برجليه الميه تتفجر

ما تسبيش إرهابى و بخسه يفجر  
نادى المخلصين للصحارى تعمر  
تفضلى بلد الأمن والامان يا قمر  
وترجع ليالى أنس و فرح وسهر

## المنوفية

بيرانوب والفرعون راعيها  
و بيت الذهب لائق عليها  
الأرض الطيبة من أساميها  
المنوفية منوف أساس ليها

دلنا بلدي أرضاها وأرضيها  
سنابل القمح تزين أراضيها  
أجمل سنابل أعشق معانيها  
زاي الذهب يتلألأ بأوانيها

النيل يجري بفرعين فيها  
ترتوي منه أفكار أهاليها  
وينهل العلم رمل روابيها  
لحن الطير بالخير أغانيها

كم من العظماء ساكنيها  
شوارعها بقلبي وحواريها  
بيدي السنابل الخضر أرويها  
و بالسادات مصانع تقويها

بقوسنا كم صناعات تنديها  
فواكه أرض منوفية تنميها  
خضروات الأرض تزكيها  
أحلى ما فيها طيبة أهاليها

اللي حصل بدنشواي يقويها  
جبروت الظلم ما هز روابيها  
ملحمة شعب يحب يموت فيها  
عمر ما غازي عمر بأراضيها





## الدار

عاشق ب حاول أداري  
تفضحني عيني ولساني  
معشش أنت بوجداني  
دمك يجري بشرياني

كتير من الريم تهواني  
ما لهم مكان بكياني  
هواك عشش بأركاني  
تعبت وقلت آه يا ني

هواك و دلالة خلاني  
أخاف أبوح لتنساني  
يمكن فيه حد تاني  
تخاصم وأنا أعاني

قابلتك من غير مرسال  
مُهرَه و أنا الخيال  
وبان عليا اللي بان  
من غمزه بدأ موال



ريداني الحلوة الصبية  
لأنني صادق النية  
حضنت أيديها بحنية  
مسكتني رعشه قويه

دخل جسمي التيار  
كهرباء ولعت النار  
وقفت مشغول محتار  
الحل أجهز بقى دار



# أمي حياتي

أمي الحبيبة و سر حياتي  
يا ما أتوجعت من أهاتي  
و أنا مريض توجعك أنا  
ويهرب النوم منك ليلا

كنت تحرمي نفسك وتديني  
و تعذبك الدمة في عيني  
عمرك في يوم ما تنسيني  
طبيبي أنت بالحب داويني

حب وحنان صدرك حضني  
ثانيه بثانيه النبض زارني  
أني أصونك ربي أمرني  
الجفن أنت و روعي نني

دايما تقولي يا حتّي مني  
وشايله همي حتّي و إني  
بقيت كبير برده تحني  
أُنسىَ فضلك أوعي تظني  
يا رب خليك نور حياتي  
تبقي سعيدة دي أمنياتي  
هاتي يا دنيا الفرح هاتي  
أنت حياتي حتّي مماتي

حبيبتي وأغلى من روعي  
لمسة أيديك شافية لجروحي  
أنت السعادة و الهنا بوعي  
قلبي عليك وين ما تروحي

## دبل الزهر

الروح للروح سكن مسموح  
لو فيه وفاء تطيب الجروح  
و بكلمه حلوه يجف النوح  
لما الحبيب بحنانه يبوح

أنا حكايتي بطعم الألم  
حياة كئيبة تساوي العدم  
عرفت الحب قلبي أنصدم  
تاه ما بين شكوى وندم



في العشق كنت أبو الكرم  
في قلبي حفرت أسمه نعم  
في مهجة القلب بدون قلم  
عشق بان على وشي علم

خليته نور قلبي و حياتي  
أهديه الورد عليه قبلاتي  
دبل الورد بنوحي و أناتي  
حياتي بقت تساوي مماتي



البرد دخل تلج أمسياتي  
لما هجرني طلعت آهاتي  
ماتت على شفتي كلماتي  
كان نبع يروي بحيراتي

أخذه مني ومش ح يعود  
الطريق بيني وبينه مسدود  
والحزن بقلبي عليه ممدود  
سنة الخالق خالق الوجود



وحياة حبيبك النبي المحمود  
أجعل للعذاب جوايا حدود  
يا رب بالحنان علينا جود  
نقابل الحبيب باليوم الموعود





## شاهد لياليها

حكاية غرام بإخلاص أحكيها  
واللي محليها الروح وما فيها  
حب لكل الناس مالي معانيها  
وكلمه حاكيها روي تعنيها

روح شفافة والحد ما فيها  
إن السعادة تدوم هي أمانيتها  
رزق معلوم ربك مرضيتها  
أرمني الهم على اللي ناشيتها

النفس أماره أحذر أغانيها  
ولا تطيع دنياها وترضيها  
تزين المنوعة ترغبك فيها  
تقع بالمحذور النار تشويها  
أشكم النفس وسد حواريتها  
للي تجيب الفتنة و تغويها  
بعمل الخير زيد و أرويها  
بالجنة الفرات منه تسقيها

روحك برضا وقناعة قويها  
وأبعد عن الغش تفوز فيها  
رمضان حضر فرصة نديها  
و صوم اللسان يقوي ناديها



صوم اليدين بالتقوى يحميها  
صوم العيون كمان يزكّيها  
صوم البطن وحده ما يكفيها  
كل الجوارح صوم أمان ليها

يوم القيامة الصوم يناديها  
وحقه يشفع شاهد لياليها  
صوم النهار بلغها مساعيها  
روح مطمئنة الرب راعيها

بالتقوى أبني حلاوة مبانيها  
على الفطرة سوية سويها  
تسعى للخير ما تغل أياديها  
و الصلاة في وقتها أديها

القرآن حصن للروح أويها  
أقرأ ما تيسر نول مراسيها  
أنهار الجنة سبحان مجريها  
وفواكه تأتي للي يشير ليا

ملكوت روح الذكر يشفيها  
مدح النبي لروحي يحييها  
ألف صلاة للشفيع ليها  
رب روي من النار نجيها

## إيه اللي نابيه

عائش سنين أحلى شبابه  
أختاره ليه قلبي وندا له  
قبل ما ينده كان على باله  
لأجل يعيش سنين عذابه  
روحي وقلبي منه شابوا  
و قلبه راسي زايد دلالة  
محتاج إليه تركه وسابه  
من العذاب كمل علامة

العقل كان عامل حسابيه  
مش مصدق اللي غابوا  
غدروا فاق وقف مكانه  
القلب سكت كفاه ما نابيه

# كان يا ما كان

ما جاش على بالك يوم ترحمني  
ولا في الخيال بحنان تمسح ظني  
و في نظرة عينيك الشك يقتلني  
سبني لهمي وروح ليه تعذبني

هويتك بكلي بروحي و وجداني  
وقلت أكيد بالسعادة اللي بكاني  
وقال غاوي في الهوى التسالي  
تغدر وتهجر ما جاش على بالي

عيوني عرفت النوم تحت ظلك  
كنت اسأل قلبك وهو ح يدلك  
نبض قلبي روعي فيك بتقولك  
سمعت لكلام الحقود زاد غلك

ليه خلّيت أجمل أيام العمر نكد  
لحد ما تخيلت نبض قلبي سكت  
ونهر حبي جف كل موجه ركد  
عيوني من شوقها للماضي بكت

الحزن جوا قلبي لقلوعه فرد  
والحبيب عن الحق عينيه عمت  
القلب قال شكواه للقمر وسرد  
سمعت النجمة على قلبي حنت

الناس قالوا لي أنت كمان حيران  
عايش ع الهامش ودانيتك أحزان  
عذابك دقت بدل الحنان حرمان  
نفسك في رشفه من حناني زمان

الشهد مني كان أنهار حنان  
على صدري أنا كان الأمان  
ولقيت فيه هنا ونعيم ألوان  
ما في رجوع كان يا ما كان



بحبك روح ب تهواني  
لحن جميل في وجداني  
ما أنت الكل في كياني  
لا أنساك ولا تنساني

بهواك ناسي أشجاني  
و السعد زين أيامي  
الطير ب يردد الحاني  
لما داق حنان غرامي

أنت مخلوق على شاني  
معاك الدنيا شيء تاني  
ربيع وزهور و أماني  
لما تبعد تبقى معناني

## فكهاني

أنا رايق و دماغى نظيف  
فى حب الناس أنا حريف  
بالحب ح ننسى التكيف  
وكمان نتقاسم فى رغيـف

يا حبيبي من غير مفتاح  
أنت دخلت وأنا مرتاح  
الليل ويا غرامنا صباح  
كلامك حلو عصير تفاح

ولا تسمع لكلام الناس  
أنت جميل كلك أحساس  
أنت التاج و فوق الرأس  
كلام جميل طعم الأناناس

عرفتك بقيت أنا فكهاني  
خدودك زاي الورد رباني  
خوخ الخدود أحمر غواني  
وتفاح احمر أهواه يهواني

قوام جميل مفرد مقسم  
و عيوني للجمال ترسم  
نسيم الغرام علينا نسيم  
قام القلب فتح وتبسم

## ورد الخدود

يا للي عمرك وهبته لي من صغرك  
وعرفت طعم الحياة وأنا في قربك  
البرد حل ما لقيت دفئ إلا بحضنك  
عيوني شافت جمال ما رأت حسنك

القلب عرف الهوى لما داق شهديك  
النجم شاهد كنت سامع ب ينده لك  
قلبي رافض وهو خلاني أسمح لك  
وهو شاهد علينا و كمان شاهديك

قطفت ورد الخدود قلبي اللي أهلك  
لو غبت عني يا حبيبي أنا أهلك  
لما عادوك الأهل كنت أنا أهلك  
لميت ضفايري حليت لك مشاكلك

من كتر حبي ليك شكلي بقى شكلك  
أمتي يا روعي اسمي يزور أسمك  
أيه أخرك الليلة قولي وأيه قصدك  
أول مره تخلف ليه تشككني بأمرك



# فن الواو

## تحية

أجمل تحية لأبن عروس  
جبت طوق النجاة لقلبي  
حرفك كتم حقد النفوس  
أبدعت واو وخيالي لبي

## العزم

كترت محاولات هدمك  
خليك كالجبل راسخ  
أنهض وبكل عزمك  
أصل فعلهم ماسخ



## رحمة

صاحب موسى قتل غلام  
لو عمره دام يعاديه  
أبوه وأمه بالإيمان تمام  
رحمة ربنا نزلت عليهم

## الموهبة

التوفيق منحه من الله  
ما تهاب حد بالكون  
الموهبة عندك برضاه  
ما يقدر يمنعها حاقدون



## الحرّة

البنت الأصيلة الحرّة  
تعشق المحبوب وطيفه  
تعيش ع الحلوة والمرّة  
لا غواها مال ولا زيفه

رح على المطرحة  
وانصح لأقـوالي  
أنا مش بتاع مصلحة  
ولا غش في بالي

## الطبع

الطبع لو كان جميل  
الثيب زاي البكارة  
عارف أبوها أصيل  
عجل وتم العبارة

## رمش

يا بنت رمشك جرحني  
بسهم شبك الفؤاد  
والبعد كمل دبـحني  
عيوني طلاها السهـود

## ريم

يا ريم وشغل الفؤاد  
أبعد عيونك عني  
بتغني وأنا عواد  
خشي حضني يغني

## الحقد

لما القلوب تنظف  
أروح و أنسى النوم  
من الحقد أنا بقرف  
أنسى وأنا المعزوم





## ندم

يا للي بعث ودنك للناس  
ونسيت تسمع كلام قلبك  
جنيت على قلب حساس  
أندم عليه الذنب ذنبك

## شباب

عمل فيها شباب  
ولبس فنله بحماله  
لعب كورة شراب  
دخلت روحه دوامه

## الحواشي

حكمت بسماع الشواشي  
الحكم يا عيني معيوب  
لازم تخش الحواشي  
وأعتمد على المكتوب

## المنجي

أوعى تحزن يا صابر  
حتى لو القريب يجور  
ربك للمكسرين جابر  
ينجي من موج البحور

## الجميل

كل من عمك جميل  
خليك للجميل محافظ  
في الحق أبقى دليل  
أوعى تميل للمحافظ

## الحرامك

خلاص لغينا الحرامك  
و من على الوش بيشه  
تحاول تسيطر حرام لك  
خلاص ما بقتش عيشه

## الشتاء

زمان الشتا كتفنا تكتيف  
جبنا لحاف وبطنيه علينا  
اليوم بقى فيه التـكـيـف  
و درجة حرارته بأيدينا

## البحر

الشمس حاضنة البحر  
و تبكي عشان سيباه  
نسيت موجة الحر  
بالليل ما هتش شيفاه

## الشمس

البحر حزين في الغروب  
لأنه عاشق الشمس ونورها  
سبحانه الذي ألف القلوب  
جعل السعادة تقوم بدورها

## غاطه

قبل ما تزعل مني  
وتنوي انك تخاصم  
غاطه وغصب عني  
لا خصم ولا مخاصم

## نفسى

نفسى أهرب جوه نفسى  
وانسى كمان غدر الزمان  
عرفت ناس كانوا نحسى  
العمر فات في الحرمان

## العلم

اللي خد العلم سلاح أنتصر  
اللي درس العلم للعلم وصل  
تجاهل العلم بجهله انكسر  
نهوض الدول بالعلم حصل



## المر

سقيته العسل  
سقاني المر  
قلت أيه حصل  
قال أنا حر

## كيد

كيد النساء شر ما له حدود  
طبّط وخلقى الأيام تفوت  
ربك يجعل كيدهم محدود  
كيدهم خلأ الجن يموت

## البخت

فيه ناس لها بخت  
وأنا ربع بخت ومال  
حاولت لحد مادوخت  
و قلبي للغم شال



## الغاز

أنا مش بقول أَلغاز  
يا وبور الجازولين  
بقلب الماسورة غاز  
نولع بدون جازولين

## نبينا

نبينا الهادي فج نوره  
سبع سماوات بالعالي  
والأنبياء في حضوره  
أنت آخرنا يا غالي

## آخر الأنبياء

جبريل بعد سبعة لا صعود  
محمد الوحيد لسدره المنتهى  
منحة من الرب المعبود  
نزول أنبياء تاني انتهى



## خاتم

خاتم في أصـبع بنانه  
فص لؤلؤ باين فـيه  
يا بايع الخاتم أمـانه  
أكتب حروف أسمى عليه

## المظلوم

يا طبيب هات دوى للعدل  
خليه بقى من النوم يقوم  
قال بحثت لقيت بكل عدل  
اللي عان الظلم المظلوم

## العمل

الفعل بهمة يقل الكلام  
بالأصول خليك حويط  
الرزانة والعقل سلام  
هو الكلام يملئ غبيط  
الدين



حافظ على روحك نضيفه  
ما تزل نفسك لإتسان  
الدينُ نهار وليل تكتيفه  
واللي سلفته في النسيان

### الوسط

ليه يعيبوا على الصداقة  
العيب عند قافل العقول  
تعامل الناس بطيبه حماقة  
الوسط بكل شيء معقول  
النم

أبعد دوم عن النميمة  
خليك صادق في القول  
نديم السوء البعد غنيمة  
خليك واضح على طول





## ممنوع

حبلى الوداد مقطوع  
ليه يا نور عيوني  
أنا قولت لك ممنوع  
تسرق راحة جفوني

## باطل

ليه ركبتم الباطل  
الميزان للظلم مال  
الحق قلبوه باطل  
للي عنده المال

# سداسيات

## مناظره

قلبي بحبه يناظر  
الحب وجدان أصيل  
وأنا في العشق ناظر  
مدرسة الحب الأصيل  
يا ما على النيل مناظر  
شفناها ساعة الأصيل

## حظ

فلوس معي بكيس ملفوف  
رحت قوام اجيب حاجتى  
قابلتى واحد بببيع خروف  
قولت اشتريه وبراحتى  
ميل دماغه خطر معروف  
ليه يشمت أخويا وأختي



## الفساد زاد

زاد الفساد ف البلاد  
مسئول اديه ف حديد  
ياللى مصيتوا دم العباد  
قتلتوا فينا روح التجديد  
طيب فين حق الولاد  
اللى نسيوا طعم العيد  
طشت

ما بتعرف تعوم ليه تسبح  
ودوم تبعد عن الحق وتميل  
أخرك الطشت أعمله مسبح  
عامل فيها قدام الناس عننيل  
وتقول عليا درويش وبسبح  
كلامى كلام قاله كل أصيل

## ملوعانى

حبيبة قلبي ملوعانى  
روحي فيها واعمل أياه  
مكانك جوا و جدانى  
تعالى وبوصي عليه  
روحي بحبك محلفاني  
قلبي الزعلان تراضيه

## جيبى فاضى

حبيبتي تعشق الذهب  
والذهب تتباهى بيه  
أنا عقلى منى ذهب  
جيبى فضى كدا ليه  
حبيبتي عندها مذهب  
تجيب الذهب تقنيه



## إرهابي

الوطني شهيم ما يهرب  
يوقف في وش الأعداء  
يا جندي بقوتك أضرب  
كل إرهابي نذل مُعادي  
خونه للأسرار بتسرب  
دافع عن أرض أولادي

## راجل

قابلني ست ماشي معاها راجل  
تجر في رجلها أصلها حامل  
عجله سلفتها ورجعت انا راجل  
كرتونه معايا وكتفى لها حامل  
كانت ثقيله بها خمس مراحل  
يا ناس دا واجب ومش بجامل

# رباعيات متفرقة

١

عامية وجميله نحفظها تحمينا  
إن ضيفنا ليها تكمل معانيها  
الكل ينطقها ويلقى جمال فيها  
فيها رقيق المعاني نديها تدينا

## حصلي

الفاتحة وع النبي صلي  
أنا بحكي اللي حصل لي  
حسن و العصر حصلي  
دين من وجدي حصلي



## الحاسد

جوا يا حزن من الحبيب وبداري  
ببسمه على الخدود جواها ناري  
الحاسد غبي يحسد ومش داري  
أبكي وتشهد على حيطان داري

## يا بلدي

يا بلدي أنا حته من توبك  
مهما تعملي فيا محسوبك  
نفسى نصلح بقى عيوبك  
امسح بروحي دمة عيونك

## النساء

أنا مش ملاك جوايا شيطان  
لما يغلبني أستغفر الرحمن  
وبغلبة في معظم الأحيان  
وأسلحته المال و النسوان

### البخيل

بخيل مضطر عزم ضيف آت  
قدم وقال أحكى لى ما فات  
يحكى وهو يصطاد اللحومات  
تنبه دورك كان ليا أب زمات

### حظي كدا

فاتنة قدام بيتى وحَلْتُ  
و عيني بالعشق تكحَلْتُ  
فراشة وبعينى بجد حَلْتُ  
دوبت ف هواها رحلت

### مشاعر

كلامك يا خدنى لعالم مسحور  
أكتب شعري وأغرق ببحور  
ولما تتبسم شفاه أكن مسرور  
إن أبدعت طيفك له الحضور





### هو سكنى

لو عز ضى القمر يكفينى وجهك  
و لو البرد جمدنى يدفينى حضنك  
القلب ظمان اشرب شهد من ثغرك  
ابقى عايش لو سكنت ف صدرك

### ليه تهاجمنى

تهاجمنى وأنا اكتب الأشعار  
وأبنى بيت لكنه ما ينفع دار  
وهدفى يسعد حبيب أو جار  
ولا عايز منه جنيه ولا دولار

### الناس

فيه ناس مش ناس  
بجزمه قديمه تنداس  
وناس جميله تتباس  
وتبقى تاج ع الراس  
شبكة

تطاردني أهرب من هواها  
هي وصلت ف عشقها منتهاها  
تلكعت بحاول البعد وانساها  
لقيت نفسي وشبكتي معاها!

### المعاش

سهرت الليل أستنى الصباح  
القبض بكره و فيه أفراح  
أجيب حاجات الشهر و ارتاح  
من سعرالسوق بقيت نواح

### ستين

وقفت قدامه أحمر يسر الناظرين  
لمسه ناعم بجماله تتباها البساتين  
ممنوع يقرب او يلمسه المساكين  
قربت منه لقيت كيلو التفاح ستين

### ما يفيدك

قدام عنيك بيتكلم على غيرك  
ح يجي يوم ويطفى قناديلك  
إردم عليه دا عمره ما يفيدك  
إيد الأصيل هتقوى بها إيدك  
عذاب

لحظة صدق عرفت يا حياتي  
أنك شكلي في الحياة تهاتي  
ليه نعذب اللي بين ضلوعي  
وبروحي تزيد أنيني وآهاتي

### الفخ

شافه بيحط الفخ ويخفيه  
و اللي حط الفخ وقع فيه  
ونفسك ما نالت ما تبغيه  
عشان رب العرش حاميه

### متميز

يا للي أنت متميز  
أهمل فاقد التميز  
لا تخلقى حقد بقلبك  
ولا تخلقى حد يميز

### مواجهه

واحد غلط مالك ومال أمه  
لا أبوه مسئول ولا عمه  
حواء أم لأبن قتل أخوه  
ما تواجهه انت وتذمه

### الحب جميل

اللي قلبه ما حب سيبك منه  
الحب فى الدنيا لا غنى عنه  
بالحب تلقى كل شئ جميل  
والكره كل الناس بتذمه



### دنیا

دنیا و مسخت من الکلام معناه  
مديها وشه و استغنت عن قفاه  
العند منها وصل لآخر منتهاه  
ولا مره مشيت له على هواه

### مجتمع

أقسم المجتمع وهي ماشيه  
طبقه غنية مرتاحة وعائشه  
فيه مش عارف أزاي عائشه  
وبقت الوسطى بعيون عمشه

### الغرام

الغرام أستاذ هو معلمنا  
من غير مد أيادي سلمنا  
ع الخدود بالشفاه علمنا  
رحنا للذة الغرام سلمنا

### إدمان

مصري عربي أنا عنوان  
أنا اللي تعب مني الزمان  
ولا انحنيت راسي لإنسان  
ولا تاهت نفسي من إدمان

### طبلية

فين الأيام الجميله  
وثقافة طبلية العيله  
الوعي كان ضليله  
جدي و ستي جليله

### أبن آدم

يا ابن آدم ما في سعادة كاملة  
جبار لما تبقى صحتك سالمه  
تفتري و تعمل كل يوم عمله  
وبالمرض أضعف من النملة

## ثلاثيات

١

مثلث متساوي الشطر  
نسبح فيه ببحور العطر  
كل حرف فيه بسطر

٢

أستر علينا من اللي دمه خفيف  
قال دا تخن عارفين أنه نحيف  
يدوخ يوقع ولا حد عارف كيف

٣

مشيتي بخفة موج البحر  
موجه دلال والثانية سحر  
ما ترفي بقي عني القهر



٤

مكتوب بحب تزيلي القهر  
أيام كئيبة تمر كأنها دهر  
باقي على يوم لقانا شهر

٥

نسمة رقيقة بجوف الحر  
ترفع الهم ما لها في الجر  
ربنا يكفيننا عيون الشر

٦

أكتبها يا رب لنا  
وثب يا رب علينا  
هي أغلى أمانينا

٧

دوي رقبتني طابت عليه رجلي  
ما خطر ببالي ولا طبيب يدري  
ربك أمر جاني الشفا يجري



٨

فاكر الشباب ح يدوم  
اليوم يمر بينقص يوم  
وشبابي راح في النوم

٩

تمن السجاير رحت جبت حمام  
كل يوم فرد الصحة بقت تمام  
نادم على اللي فات من الأيام

١٠

الحمد لله فيه تقدم  
دوخة وقبلها أتألم  
تعبت يا رب سلم

١١

طلبتها أنت لدماعك  
عالجت هي رجلك  
ربك ما له مشارك

١٢

تبقى في جيبك  
و تروح لغيرك  
مش من نصيبك

١٣

أتعلمي يا بنت يا عدلات  
اندلقتي عليه العام اللي فات  
دوخك في السبع لفات

١٤

الدنيا ساقيه وليها عيون  
العب معها على المضمون  
عشقتها روحك عليها تهون

١٥

قاعدين على جبل شماتة بصين  
علينا و إحنا سارحين ومروحين  
ربك يكفيننا شر الحاسدين

١٦

يا للي معك قوه حافظ عليها  
ولا تفتري على غالبان بيها  
للحق خليها ربك يراعيها

١٧

تتباهي وتقول أنا ابن فلان  
فلان في التراب من زمان  
قول أنا فعلي أهوه يا زمان

١٨

الشعر مش للأغبياء  
ولا لقلب فيه البلاء  
لأنه دوى لكل داء

١٩

يا مبتلي خليك صابر  
ربك لكل منكسر جابر  
أحمد الله الوجد عابر

٢٠

قلبت علينا كثير مواجع  
ماتوا ولا حد منهم راجع  
وتساوى الكهل بالراضع

٢١

أجمل الناس اللي رسم بسمة  
بكلمة حلوه رقيقه زاي نسمة  
لحزين لسوء البخت والقسمة

٢٢

بنادي عليهم مجوش  
ناس دول ولا وحوش  
يا رب سلم وحوش

٢٣

الوجع ليه طبيب يداويه  
وجعي احتار الطب فيه  
قلب مجروح خبي ما بيه

٢٤

دوخه دوختني وهي ساكنه  
شكلت بكياني الأوجاع كاملة  
الحمد لله عدت وروحي سالمه

٢٥

قولت أعمله صاحب ويسندني  
في الشدائد يقف جنبي يساعدي  
عويل وراسم ع اللي في نني

حظ

تعالى يا صابر نعوم على كيفنا  
يمكن الحظ يوم بقى يحالفنا  
بجنيه يضرب الدولار اللي مكتفنا



## السيرة الذاتية



الأسم / عبد الحميد عبد الرحمن  
عبد الحميد طير البر  
تاريخ الميلاد / ٢٠ / ٣ /  
١٩٥٠

جهة الميلاد / قسم شبين الكوم  
المؤهل / بكالوريوس تجارة  
جامعة طنطا ١٩٧٥ م  
المهنة / مدير مكتب تأمينات  
السيارات شبين الكوم تأمينات  
اجتماعية - بالمعاش  
مستشار تحكيم دولي في :  
منازعات الاستثمار وصياغة  
العقود القانونية

الخدمة العسكرية : أدت الخدمة كضابط دفعه ٣٨ أ . د . جو  
الرياضة : حصلت على المركز الأول على مستوى المحافظة بطوله  
مفتوحه في لعبة الملاكمه ( البوكس ) لعدة سنوات متتاليه في أوزان  
مختلفه

الأعمال الأدبية : ٣ دواوين فى شعر العامية وهم : ١- عاشق ترابك  
رقم ايداع / ٤٧٥٦ لسنة ٢٠١٧ - بحر الخيال رقم ايداع / ٤٧٥٧ /  
٢٠١٧ - ٣ - الحفيده رقم ايداع ٤٧٥٨ / ٢٠١٧  
أندية الأدب والروابط : عضو عامل برائة شعراء العامية المصريه  
منذ ١٨ / ٢ / ٢٠١٨

عضو عامل بنادي أدب شبين الكوم  
عضو اتحاد كتاب مصر برقم ١١٨١ انتساب  
النشر : تم النشر فى عدة مجلات وجراند منها على سبيل المثال  
:مجلة التاييمز الدوليه القسم العربى...ملتقى صفوة الكتاب العرب -  
مجلة هدير الحروف - مجلة نغمات الحروف الالكترونيه - رابطة  
الكتاب العرب - مجموعة ليالى الشام لوالأدب -  
جريدة الاضواء الصحفيه - مؤسسة الجبالى الثقافيه جريدة  
المستشار السياسى جريدة لألى أدبية مجلة أمانى وحروف الالكترونيه  
- منتدى روائع الشعروالأدب العربى -كروب الاتحاد الدولى للأدباء  
والشعراء - مجلة ملوك الحرف الألكترونيه - منتدى ديوان شعراء  
العرب -  
مجلة انوار وحروف انامل الشعراء - صالون محبى أ / مرفت جابر-  
منتدى شلال الأبداع -مجلة كلمة حق -مجلة حديث الهيل الادبيه -  
مجلة نبض القلوب الالكترونيه مجلة واحة الحروف العربيه الادبيه -  
مجلة مملكة شهر زاد الألكترونيه - مجلة الرائد الألكترونيه  
حصلت على أكثر من ٥٠ شهادة تميز وتكريم ومراكز بمسابقات  
مختلفة  
عبدالحميد عبدالرحمن طيرالبر

# محتوى الكتاب

بطاقة الكتاب.....	٢
الإهداء.....	٤
مقدمة.....	٥
كلموني جيرانى.....	٧
رباعيات حروف الهجاء.....	٩
بساط الريح.....	١٩
طعم الهوى.....	٢١
قطار الأمل.....	٢٦
عاشق ومعشوق.....	٢٨
أم الشهيد.....	٣١
الهمه يامصرى.....	٣٣
الغالية أُمى.....	٣٥
آه يا زمانى.....	٣٧
الحب الأول.....	٣٨
اللطافه فى النظافه.....	٤٠
يحميك يا ولدى.....	٤٢
زمن الفن.....	٤٤



صمت الشقايف.....	٤٥
خاف من الشيك.....	٤٧
مصر حزن حنون.....	٥١
أنا المحافظ.....	٥٤
حيروني.....	٥٥
كان يا ما كان.....	٥٦
نار ولعه.....	٥٨
العلم.....	٦٠
الورد غار.....	٦٢
العتاب.....	٦٤
الطربوش.....	٦٥
مكتوب.....	٦٧
شاهد لياليها.....	٦٩
رمضان.....	٧٣
العرافة وأنا.....	٧٥
عاشق وبس.....	٧٧
المنوفية.....	٧٩
الدار.....	٨١
أمي حياتي.....	٨٣



٨٥	دبل الزهر
٨٩	شاهد لياليها
٩٣	إيه اللي نابيه
٩٥	كان يا ما كان
٩٨	فكهاني
١٠٠	ورد الخدود
١٠١	فن الواو
١١٤	سداسيات
١١٨	رباعيات متفرقة
١٢٧	ثلاثيات
١٣٤	السيرة الذاتية
١٣٦	محتوى الكتاب